



Qaasuitsup kommunia
Innarluutilinnullu Siunnersuisoqatigiit
Illoqarfik najungaq:

Innarluutilinnut Siunnersuisoqatigiit malittarisassat:

§ 1. Innarluutilinnullu siunnersuisoqatigiit, Qaasuitsup Kommuneata inunnik isumaginninnermi ataatsimiititaata ataani siunnersuisoqatigiittut inissisimassaaq.

§ 2. Illoqarfiit tamarmik innarluutilinnut siunnersoqatigiinnik peqassapput

§ 3. Siunnersuisoqatigiit 7-nik ilaasortalik ukunanga inuttaqassaaq:

- Innarluutilit peqatigiiffianit ilaasortat pingasut, peqatigiiffiup nammineq toqqagai.
- Inunnik isumaginninnermi ataatsimiititaliap toqqagaa ataaseq, ataatsimiititaliameersuunis-saa piomasagaataangilaq. (Siunnersuutigineqassaaq inunnik isuamginnitoqarfiup innarluu-tilinnut sullissinnermi siunnersortaa ilaasortaatinneqassasoq).
- Innarluutilinnut tapersersortit ataqatigiissaarititsisuat – atorfimmut atatillugu ilaasortaas-saaq.
- Innarluutilinnut Najungaqatigiiffiit ningiuat – atorfimminut atatillugu ilaasortaassaaq
- Innarluutilinnut sammisaqartitsiffiup/sannaviup ningiua atorfimminut atatillugu ilaasortaas-sooq

§ 4. Siunnersuisoqatigiinni ilaasortat kommunalbestyrelsimut qinersereernerup kingorna – imatut paasillugu, ukiut sisamakkaartumik – toqqarneqartassapput, qinersiviulli iluani siunnersuisoqatigiit atuuffiisa iluani immikkut pisoqartillugu, imaluunniit ilaasortaap pissuteqartumik tunuarniuteqarsi-mappat, nutaamik ilaasortanngortitsisoqartassaaq peqatigiiffiup aallartitaqartup imaluunniit ataatsimiititap ilaasortaataqartup isumagisaanik.

Stk. 2. Siunnersoqatigiit nammineerlutik suleriusissartik aqqissuutissavaat.

Stk. 3. Siunnersuisoqatigiit inunnut ataasiakkaanut ajornartorsiuutinik tunngassuteqartunik oqallif-fiunngilaq.

§ 5. Siunnersuisoqatigiit siulittaasumik, siulittaasullu tullianik toqqaasassapput. Immikkut ittumik pisoqartillugu sukkulluunniit siulittaasussamik, aammalu siulittaasup tullianik nutaanik toqqaaso-qarsinnaavoq.

Stk. 2. Siunnersoqatigiit siulittaasussartik namminneerlutik iluminni qinissavaat

Stk. 3. Inunnik isumaginnitoqarfiup pisortaa siunnersuisoqatigiinni aalajangersimasumik allatsitut inissisimassaaq.

§ 6. Siunnersuisoqatigiit minnerpaamik ukiumut sisamariarlutik ataatsimeeqatigiittassapput. Ataatsimiinnermi imaqarniliuisoqartassaaq, siunnersuisoqatigiinni ilaasortanut tamanut agguanneqartussamik.

Stk 2. Tusarniaaneq pisariaqartitsineq malillugu ingerlanneqartassaaq, minnerpaamille qinningaafiup ataatsip iluani marloriarluni ingerlanneqartassalluni.

§ 7. Siunnersuisoqatigeeqarnerup siunertarivaa, innarluutilinnut pingaaruteqartunik suliassaqartilugu, siunnersuisoqatigiit inunnik isumaginninnermi ataatsimiitsitaliamiit tusarniaavigineqartassammata, aammalu siunnersuisoqatigiit inaarluutillit atugarisaat pillugit pitsanngorsaatinut siunnersuuteqarsinnaatitaassapput aalajangiisinnaatitaanatilli.

Stk. 2. Kommunalbestyrelsi sinnerlugu Inunnik isumaginninnermi ataatsimiititaliaq suliani aalajangiisussaataavaoq .


Stk 3. Siunnersuisoqatigiit tusarniaavigineqarneranut atasumik, innarluutillit peqatigiiffiunik tusarniaanissaq minnerpaamik qinigaaffiup atuuttup iluani marloriarluni katersortitsinikkut isumagineqartassaaq.

Stk. 4. Paasissutissanik nutaanik takkuttoqartillugu, saqqummiussisarnissaq piffinni najukkani tuusatit aqputigalugit ingerlanneqartassaaq.

§ 8. Siunnersuisoqatigiit Qaasuitsup Kommuneata inunnik isumaginninnerup ingerlanneqarnerata katitigaanerata aaqqissuussaaffigineqarneratalu ataani ataatsimiititatut / siunnersuisoqatigiittut aalajangersimasumik inissisimanissaa piumasaaqataavaoq.


Ilulissat, ulloq

23. jul. 2009



Bendt B. Kristiansen

Ataatsimiititaliami siulittaasoq



Magga Fencker

Allaffissornikkut pisortaq